

# Proklamation

zum Egerchinger' Narrechlapf 1977

Fraue, Manne, Mönsche, Chinge,  
Narrevolk vo Negerchinge!  
Lueget häre, Sappermänt!  
Ig bi jetz der ne Regänt!  
Abgesetzt isch der Bürgermeischter,  
Jetzt regiere d'Fasnachts-Geischter!  
Die schönschti Zyt het eig'ni Gsetz.  
Die verchüde ig euch jetz:

Es isch für d'Fasnachtszyt verbotte,  
Dass der Gmeinrot tuet berote  
Sini Gschäft und Missione.  
Das gilt au für d'Komissione.  
Abgesetzt wei mer au no ha  
Der Zehnder und der Hüsermal!  
Mir gabe dene es Lasso  
Für z'Olte d'Bänkliräuber z'foh.

Doch jetze chöme d Fraue dra:  
Die müsse lieb si mit em Ma!  
Müesse nem der Sack vollstopfe  
Mit Gäld - är muess s'verchlopfe.  
Chunnt är am Morge früeh denn hei  
Mit em Ballon am lingge Bei  
Muess s'Bett schön zwäg si, und no meh:  
D'Rollmöpps, s'Chotzgschirr, s'Henniez.



Motel, Hotel, Wirtschaft, Beiz:  
Dir gäbet dere Zyt der Reiz.  
Drum B'sitzer, Pächter und Gerante,  
Büffetburschte, Servicetante :  
Nach dene churze Fasnechtstäge  
isch lang no Zyt zum danke säge.  
Lueget guet zu öisne Lüte!  
Gät ne z'trinke - nüt verschüttele!

E letschte Gruess - es isch so Tugend  
Im Böggenachwuchs - euser Jugend.  
Chesslete und Bögg verbrönne,  
Strossefasnecht - umerönne,  
Maskeball für alli Chinder  
und alt i zwöibeinige Rinder:  
Drum heit dir e Frei-Halbttag  
Morn und am Zyschtig-Nomittag.



Zum Schluss wett ig no allne säge  
Das isch mer schwer am Härze gläge:  
Liebi Lüüt vo Negerchinge,  
machet keini dumme Gringe!  
Legget alli'e Larve a,  
Jede seil si Plausch dra hai  
Churz isch jo die schönschti Zyt.  
Drum heisst s'Motto: «Chumm, mach mit!»

Am Narrechlapf ane sibenesibezgi

**Ludwig 1**

LUDWIG I

Ludovico prima, Regentis carnevalis